



Broj: 16-12-16-3425-~~10~~¹⁰ /17
I. Sarajevo, ~~20.07.~~ 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g), člana 69. stav (2) tačka a) i člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-3425/17 od 24.07.2017. godine, u otvorenom postupku javne nabavke kompjuterske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za LOT 1, LOT 2, LOT 3, LOT 4 i LOT 5 i poništenju postupka javne nabavke za LOT 6 u otvorenom postupku za dostavljanje ponuda za javnu nabavku kompjuterske opreme za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-3425/17 od 24.07.2017. godine i ugovor u postupku javne nabavke kompjuterske opreme za potrebe Državne agencije za istrage i zaštitu, dodijeljuje i to za:

- LOT 1 - Nabavka Mail Security (jedan komad), ponuđaču "KING ICT" d.o.o. Sarajevo, ponuda broj 16-12-16-3425-5/17 od 23.06.2017. godine, za ponudenu cijenu od 34.046,00 KM bez uračunatog PDV-a;

- LOT 2 - Nabavka Desktop PC kompjutera (50 komada), monitora (50 komada), laptopa tip A (15 komada), ponuđaču „Uma muller Group“ d.o.o. Sarajevo, ponuda broj 16-12-16-3425-6/17 od 23.06.2017. godine, za ponudenu cijenu od 70.875,00 KM bez uračunatog PDV-a;

- LOT 3 - Nabavka mrežnih štampača tip A (10 komada), mrežnog štampač tip B (jedan komad), prenosnih štampača (15 komada), brzih skenera tip A (pet komada), brzih skenera tipa B (četiri komada), kolor printera (5 komada), ponuđaču "Time Code" d.o.o. Sarajevo, ponuda broj 16-12-16-3425-7/17 od 23.06.2017. godine, za ponudenu cijenu od 17.380,00 KM bez uračunatog PDV-a;

- LOT 4 - Nabavka Switch-eva 24 portni (osam komada), Firewall uređaja (jedan komad), Multi skener/fax (10 komada), switch upravljivi 48 portni (jedan komad), ponuđaču "MMCC" d.o.o. Sarajevo, ponuda broj 16-12-16-3425-4/17 od 23.06.2017. godine, za ponudenu cijenu od 9.217,00 KM bez uračunatog PDV-a;

- LOT 5 - Nabavka UPS-ova (10 komada), ponuđaču "ASPO RAIL" d.o.o. Sarajevo ponuda broj 16-12-16-3425-8/17 od 23.06.2017. godine, za ponudenu cijenu od 2.265,00 KM bez uračunatog PDV-a.

Član 2.

Poništava se postupak javne nabavke za LOT 6- Nabavka laptopa tip B (dva komada) i vodonepropusnog laptopa (jedan komad) za potrebe Državne agencije za istrage i zaštitu.

Član 3.

(1) Ponuđači "KING ICT" d.o.o. Sarajevo i „Uma muller Group“ d.o.o. Sarajevo obavezni su ugovornom organu dostaviti dokaz o ispunjavanju uslova iz tačke 10.1. Tenderske dokumentacije, dok su ponuđači "Time Code" d.o.o. Sarajevo, "MMCC" d.o.o. Sarajevo i "ASPO RAIL" d.o.o. Sarajevo obavezni ugovornom organu dostaviti dokaz o ispunjavanju uslova iz tač. 10.1. i 11.2. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

Član 4.

Prijedlog ugovora o kupoprodaji dostavit će se na potpis izabranim ponuđačima, po proteku roka od 10 dana.

Član 5.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 6.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 7.

Ova odluka stupa na snagu danom donošenja.

O b r a z l o ž e n j e

Postupak javne nabavke kompjuterske opreme za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-3425-1/17 od 23.05.2017. godine, procijenjene vrijednosti 145.450,00 KM bez uračunatog PDV-a. Postupak javne nabavke je proveden putem otvorenog postupka za koji je obavještenje o javnoj nabavci objavljeno na Portalu javnih nabavki broj 1161-1-1-408-3-32/17 od 01.06.2017. godine i u „Službenom glasniku BiH“ broj 41/17, za šta su novčana sredstva predviđena u okviru budžetskih sredstava za 2017. godinu. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na lotove i to:

- LOT 1 - Nabavka Mail Security (jedan komad), procijenjene vrijednosti 34.200,00 KM bez uračunatog PDV-a;
- LOT 2 - Nabavka kompjutera Desktop PC (50 komada), monitora (50 komada), laptopa tip A (15 komada), procijenjene vrijednosti 70.950,00 KM bez uračunatog PDV-a;
- LOT 3 - Nabavka mrežnih štampača tip A (10 komada), mrežnog štampača tip B (jedan komad), prenosnih štampača (15 komada), brzih skenera tip A (5 komada), brzih skenera tipa

B (4 komada), kolor printera (5 komada), procijenjene vrijednosti 21.000,00 KM bez uračunatog PDV-a;

- LOT 4 - Nabavka Switch-eva 24 portni (8 komada), Firewall uređaj (jedan komad), Multi skener/fax (10 komada), switch upravljivi 48 portni (jedan komad), procijenjene vrijednosti 10.600,00 KM bez uračunatog PDV-a;

- LOT 5 - Nabavka UPS-ova (10 komada), procijenjene vrijednosti 3.400,00 KM bez uračunatog PDV-a;

- LOT 6 - Nabavka laptopa tip B (dva komada), vodonepropusnog laptopa (jedan komad), procijenjene vrijednosti 5.300,00 KM bez uračunatog PDV-a.

Komisija II za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-3425/17 od 24.07.2017. godine sa preporukom o izboru najpovoljnijeg ponuđača u postupku javne nabavke kompjuterske opreme za potrebe Agencije.

Obzirom da je tačkom 22. Tenderske dokumentacije navedeno da je rok za dostavljanje ponuda 23.06.2017. godine do 12,00 sati, te da se ponude dostavljaju u zatvorenoj koverti, Komisija je dana 23.06.2017. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovao je ovlašteni predstavnik ponuđača „Uma muller Group“ d.o.o. Sarajevo.

Blagovremeno je dostavljeno ukupno pet ponuda i to:

RB	Naziv ponuđača	LOT	Vrijednost ponude (bez PDV-a)
1.	"MMCC" d.o.o. Sarajevo	LOT 2	70.925,00 KM
		LOT 3	20.977,50 KM
		LOT 4	12.918,00 KM
		LOT 5	3.299,00 KM
2.	"KING ICT" d.o.o. Sarajevo	LOT 1	34.046,00 KM
3.	„Uma muller Group“ d.o.o. Sarajevo	LOT 1	34.100,00 KM
		LOT 2	70.875,00 KM
		LOT 3	20.600,00 KM
		LOT 4	12.700,00 KM
4.	"Time Code" d.o.o. Sarajevo	LOT 5	3.200,00 KM
		LOT 3	19.650,00 KM
		LOT 5	3.100,00 KM
5.	"ASPO RAIL" d.o.o. Sarajevo	LOT 3	17.475,00 KM
		LOT 4	10.445,00 KM
		LOT 5	2.500,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači "MMCC" d.o.o. Sarajevo, "KING ICT" d.o.o. Sarajevo, „Uma muller Group“ d.o.o. Sarajevo i "ASPO RAIL" d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti. Također, Komisija je utvrdila da ponuđači ispunjava i formalno-pravne uslove postavljene u Konkurentskom zahtjevu.

Komisija je aktom broj 16-12-16-3425/17 od 29.06.2017. godine od Sektora za operativnu podršku, u cilju ocjene tehničkih uslova navedenih u Tenderskoj dokumentaciji, tražila da na osnovu uvida u pristigle ponude dostave stručno mišljenje u vezi postavljenih

tehničkih uslova u Tenderskoj dokumentaciji. Sektor za operativnu podršku aktom broj 16-10-16-3425/17 od 29.06.2017. godine potvrdio je da ponude ponuđača "MMCC" d.o.o. Sarajevo (LOT 2, LOT 3, LOT 4 i LOT 5), "KING ICT" d.o.o. Sarajevo (LOT 1), „Uma muller Group“ d.o.o. Sarajevo (LOT 1, LOT 2, LOT 3, LOT 4 i LOT 5), "Time Code" d.o.o. Sarajevo (LOT 3 i LOT 5) i "ASPO RAIL" d.o.o. Sarajevo (LOT 3, LOT 4 i LOT 5), zadovoljavaju tražene kvalifikacione uslove tehničke specifikacije kompjuterske opreme postavljene u Tenderskoj dokumentaciji.

Komisija je utvrdila da za LOT 6- Nabavka laptopa tip B (dva komada) i vodonepropusnog laptopa (jedan komad), nije dostavljena ni jedna ponuda u predviđenom roku.

Budući da je Tenderskom dokumentacijom predviđeno da se za postupak javne nabavke kompjuterske opreme za potrebe Agencije provodi e-aukcija, Komisija je za prihvatljive ponude ponuđača "MMCC" d.o.o. Sarajevo, "KING ICT" d.o.o. Sarajevo, „Uma muller Group“ d.o.o. Sarajevo, "Time Code" d.o.o. Sarajevo i "ASPO RAIL" d.o.o. Sarajevo zakazala e-aukciju dana 14.07.2017. godine i to za LOT 1 u trajanju od 15 minuta u periodu od 10,00 do 10,15 sati, za LOT 2 u trajanju od 15 minuta u periodu od 10,45 do 11,00 sati, za LOT 3 u trajanju od 20 minuta u periodu od 11,30 do 11,50 sati, za LOT 4 u trajanju od 15 minuta u periodu od 12,30 do 12,45 sati i za LOT 5 u trajanju od 20 minuta u periodu 13,00 do 13,20 sati. Prema Izvještajima o toku i završetku e-aukcije od 10.07.2017. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, LOT 2, LOT 3, LOT 4 i LOT 5, kako slijedi:

RB	LOT	Naziv ponuđača	Vrijednost ponude (bez PDV-a)	Rang
1.	LOT 1	"KING ICT" d.o.o. Sarajevo	34.046,00 KM	1
		„Uma muller Group“ d.o.o. Sarajevo	34.100,00 KM	2
2.	LOT 2	„Uma muller Group“ d.o.o. Sarajevo	70.875,00 KM	1
		"MMCC" d.o.o. Sarajevo	70.925,00 KM	2
3.	LOT 3	"Time Code" d.o.o. Sarajevo	17.380,00 KM	1
		"MMCC" d.o.o. Sarajevo	17.400,00 KM	2
		"ASPO RAIL" d.o.o. Sarajevo	17.475,00 KM	3
		„Uma muller Group“ d.o.o. Sarajevo	20.600,00 KM	4
4.	LOT 4	"MMCC" d.o.o. Sarajevo	9.217,00 KM	1
		"ASPO RAIL" d.o.o. Sarajevo	9.287,00 KM	2
		„Uma muller Group“ d.o.o. Sarajevo	9.500,00 KM	3
5.	LOT 5	"ASPO RAIL" d.o.o. Sarajevo	2.265,00 KM	1
		"MMCC" d.o.o. Sarajevo	2.271,00 KM	2
		"Time Code" d.o.o. Sarajevo	3.100,00 KM	3
		„Uma muller Group“ d.o.o. Sarajevo	3.200,00 KM	4

Nakon provedenog postupka e-aukcije, shodno Izvještajima o toku i završetku e-aukcije od 10.07.2017. godine, Komisija je utvrdila da za LOT 1 i LOT 2 nije bilo snižavanja cijena ponuda, dok je za LOT 3, LOT 4 i LOT 5 bilo snižavanje cijena ponuda kao kriterij za dodjelju ugovora u rasponu od 0,1% do 10% najniže početne cijene svih ponuda, u skladu sa članom 8. Pravilnika.

Shodno navedenom, prihvaćen je prijedlog Komisije i odlučeno je da se ugovor u postupku javne nabavke kompjuterske opreme za potrebe Agencije, dodijeli ponuđaču "KING ICT" d.o.o. Sarajevo za LOT 1, ponuđaču „Uma muller Group“ d.o.o. Sarajevo za LOT 2, ponuđaču "Time Code" d.o.o. Sarajevo za LOT 3, ponuđaču "MMCC" d.o.o. Sarajevo za

LOT 4 i ponudaču "ASPO RAIL" d.o.o. Sarajevo za LOT 5, kako je navedeno u članu 1. ove odluke, a da se poništi postupak javne nabavke za LOT 6- Nabavka laptopa tip B (dva komada) i vodonepropusnog laptopa (jedan komad), shodno članu 69. stav (2) tačka a) Zakona, iz razloga što nije dostavljena ni jedna ponuda u predviđenom roku.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponudač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponudačima 5x,
- Sektoru za mat.-fin. poslove,
- a/a.

DIREKTOR
GLAVNI GENERALNI INSPEKTOR POLICIJE

